

ämmetal

die rote nächt uf ds mal
als brönnti dr vesuv
und isch doch nume ds ämmetal
vo haslibrügg zdüruuf

schwär rumplets i de schtäll
und d'mönsche schlafe schlächt
dr himel lüüchtet häll -
was gförchtigs isch das ächt?

(Feuer im Emmental, B. Leuschner)

chemmeribodebad

vyl lüt chöme hie
ir nidle cho schwümme
und will si das tüe
drum wüeschte si nümme

(Scherzo, B. Leuschner)

schpiegel

für alles z'begryfe
müesst me
dür schpiegel
i ds bild i ds eigete schlüüfe

so aber
hinder dr muur
blybt üsen ängel
i dr klausur

und dr körper
hilflos und wild
zabblet
im netz
vom eigete bild

(Spiegel, B. Leuschner)